



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

Broj: T20 0 KT 0021102 21**Sarajevo, 07.12.2022. godine**

Na temelju člana 35. stav 2. tačka e), te člana 216. stav 3. Zakona o krivičnom postupku Bosne i Hercegovine, donosim

N A R E D B U
O NEPROVOĐENJU ISTRAGE

U vezi prijave [REDACTED] zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Krivičnog zakona Bosne i Hercegovine, koju prijavu je Tužilaštvo Bosne i Hercegovine zaprimilo dana 06.09.2021.godine, nakon izvršenog uvida u spise predmeta, a u smislu odredbe člana 216. stav 3. ZKP BiH, donesena je naredba o neprovođenju istrage protiv prijavljenog [REDACTED] iz razloga što prijavljeno djelo nije krivično djelo.


O B R A Z L O Ž E N J E


Tužilaštvo Bosne i Hercegovine zaprimilo je dana 06.09.2022.godine prijavu [REDACTED] u kojoj se navodi da je [REDACTED] svojim javnim postupanjem s ciljem izazivanja međunacionalne netrpeljivosti, razdora i mržnje, svjesno i namjerno, javno negirao genocid u Srebrenici, koji je utvrđen pravomoćnim presudama međunarodnih i domaćih sudova, gdje su kao dokaz navedene poveznice objavljenih članaka na internetu, i to: [REDACTED]


[REDACTED]


Dana 11.11.2022.godine, Tužilaštvo Bosne i Hercegovine je izdalo naredbu Državnoj agenciji za istrage i zaštitu BiH za preduzimanjem mjera i radnji u cilju vršenja provjera da li su gore navedeni članci još uvijek dostupni na internet portalima, te ukoliko se isti pronađu na njima izvršiti uviđaj radi utvrđivanja činjenica u člancima koje su bitni za dalji tok postupka, kao i da se po izvršenom uviđaju izvrši analiza sadržaja objavljenog u gore navedenim poveznicama/člancima u cilju utvrđivanja okolnosti kada se događaj opisan u svakom konkretnom članku desio, na koji način je to izgovoreno, odnosno negiran genocid od strane prijavljenog [REDACTED], te ukoliko su navedene riječi iznesene tokom press konferencije ili drugog događaja koji je emitiran u video formatu, poduzeti mjere i radnje na pronalasku navedenog video snimka, te na istom izvršiti uviđaj sa pohranom na odgovarajući medij, kao i transkript izgovorenih riječi.


Tužilaštvo Bosne i Hercegovine je dana 24.11.2022.godine zaprimilo akt Državne agencije za istrage i zaštitu BiH broj: [REDACTED] sa prilogom Izvještaja o postupanju Državne agencije za istrage i zaštitu BiH broj: [REDACTED], sa priložima, u kojem Izvještaju Državne agencije za istrage i zaštitu BiH se navodi da su policijski službenici Državne agencije za istrage i zaštitu BiH shodno predmetnoj naredbi Tužilaštva BiH od 11.11.2022.godine u vremenskom periodu od 09,50 do 10,30 sati na službenom računaru Državne agencije za istrage i zaštitu BiH, a koji ima pristup na internet izvršili uviđaj na poveznicama internet stranica, i to:











Uz navedeni Izvještaj Državne agencije za istrage i zaštitu BiH dostavljena je Službena zabilješka Državne agencije za BiH broj: [REDACTED], u kojoj se navodi da izvršenim uvidom u video press konferencije, konstatira se da je ista održana dana 23.07.2021.godine, dok su Izmjene i dopune Krivičnog zakona Bosne i Hercegovine u članu 145a. „Izazivanje nacionalne, rasne i vjerske mržnje, razdora i netrpeljivosti“ zvanično objavljene i stupile na snagu dana 27.07.2021.godine, odnosno navedena press konferencija je održana prije stupanja na snagu Izmjene i dopune Krivičnog zakona BiH. Nadalje se u navedenoj Službenoj zabilješci od 21.11.2022.godine, navodi da u skladu sa „Načelom zakonitosti“ iz člana 3. Krivičnog zakona BiH, u vrijeme izvršenja krivičnog djela (emisija javno obavljena 23.07.2021.godine) krivično djelo iz člana 145a. stav 3., nije bilo inkriminisano u zakonodavstvu Bosne i Hercegovine (dopuna Krivičnog zakona Bosne i Hercegovine stupila na snagu po objavljivanju u Službenom glasniku Bosne i Hercegovine broj 46. od 27.07.2021.godine).

Analizom spisa predmeta kao i sadržaja Izvještaja Državne agencije za istrage i zaštitu BiH od 21.11.2022.godine, te Službene zabilješke od 21.11.2022.godine, ne proizilazi da je prijavljeni [REDACTED] počinio krivično djelo Izazivanje nacionalne, rasne i vjerske mržnje, razdora i netrepeljivosti iz člana 145a. stav 3. Krivičnog zakona BiH, kao niti neko drugo krivično djelo. Naime, press konferencija na kojoj je prijavljeni iznio navode koje mu se stavljaju na teret održana je dana 23.07.2021.godine, a u navedeno vrijeme radnje prijavljenog nisu predstavljale krivično djelo, obzirom da je Zakon o dopuni Krivičnog zakona Bosne i Hercegovine objavljen u Službenom glasniku Bosne i Hercegovine dana 27.07.2021.godine broj 46, stupio na snagu dana 28.07.2021.godine, te je stoga u smislu odredbe člana 216. stav 3. ZKP Bosne i Hercegovine, donešena Naredba o neprovođenju istrage.

TUŽITELJSTVO/TUŽILAŠTVO BiH
TUŽITELJ